



13-ԱՄՅԱ ԿԱՐԵՆԸ ՄԻՆՉԵՎ 18 ՏԱՐԵԿԱՆՆԵՐԻ ՉԵՄՊԻՈՆ

Մի բանի օր առաջ Տիգրան Պետրոսյանի անվան շախմատիստի կենտրոնական տանը ավարտվեց մինչև 14 և մինչև 18 տարեկան պատանիների շախմատի Հայաստանի առաջնությունը, որտեղ վիճարկվում էին նաև աշխարհի ու Եվրոպայի պատանեկան առաջնությունների ուղեգրերը:

Ընթանում էր հերթական տուրը: Մարզաներենը անթաքույց հիացմունքով հետևում էին ավագ տարիքային խմբի ամենակրտսեր մասնակցի՝ 13-ամյա Կարեն Ասրյանի խաղին: Նուրբ դիմագծերով, լույս ու խոհուն հայացքով պատանին շրջկրկեց տարիքով իրենից մեծ շախմատիստների շրջապատում և մեկը մյուսի ետևից պարտության մատնեց վիճակահանության քմահանույքով իրեն բաժին հասած բոլոր մրցակիցներին: Ի վերջո, բացառիկ բարձր արդյունքով՝ 9 հնարավորից 8 միավորով, նա գրավեց առաջին տեղը, դառնալով մինչև 18 տարեկան պատանիների Հայաստանի չեմպիոն: Սա աննախադեպ նշվածում է:

Շախմատի հետ Կարենը ծանոթացել է չորս տարեկան հասակում: Վեց տարեկանից հանդես է եկել շախմատային որակավորման մրցումներում և արդեն հաջորդ տարի լրացրել է մարզական առաջին կարգի նորման:

1990 թվականին, երբ տակավին չէր բոլորել տասը տարին, Կարենը Լենինգրադում մասնակցեց մինչև 12 տարեկան տղաների աշխարհի առաջնության ընտրական մրցումներին: Իր տարիքային խմբում ցույց տալով լավագույն արդյունքը, նա ոչ միայն նվաճեց հատուկ մրցանակ՝ բյուրեղապակյա գավաթ, այլ նաև լրացրեց վարպետության թեկնածուի նորման: Կարենի խաղին հետևած մարզիչներն ու մրցավարները չէին թաքցնում իրենց հիացական կարծիքները:

Ահա թե ինչ է գրել միջազգային մրցավար Ա. Դեուելը. «Սովորաբար այդ տարիքում ավելի շատ տեղ են տալիս կոմբինացիոն խաղին, զոհաբերում են, գրոհում,

իսկ նա դավանում է դասական շախմատը, պատրաստ է նույնիսկ գրոհի հեռանկարներով դիրքում փոխանակել թագուհիները, «սերկ» տեխնիկայով գերազանցել մրցակցին»:

Շախմատային լուրջ ապագա խոստացող երեխային անմիջապես հրավիրեցին մասնակցելու նշանավոր մարզիչ Դվորեցկու և հանրահայտ գրումաչատեր Յուսուպովի մարզական վարպետության կատարելագործման դպրոցի հավաքներից, որոնք կայացան Դաուգավպիլս քաղաքում: Հասկանալի է, որ նման դպրոցի պարապմունքներին ընդգրկվում են ամենատաղանդավոր և հեռանկարային երեխաները:

Բայց, անշուշտ, Կարենի մշտական և լավագույն մարզիչը հայրն է՝ մաթեմատիկայի ուսուցիչ Արարատ Ասրյանը: Նա ինքնամոռաց նվիրումով հետևում է որդու շախմատային աճին, մեծ ուշադրություն հատկացնելով նաև հոգեբանական և ֆիզիկական պատրաստակալությանը: Կարենը լավ է խաղում ֆուտբոլ, պարտադիր զբաղվում է առավոտյան լիցքային վարժություններով: Սովորում է երևանի 171 դպրոցի 6-րդ դասարանում և ուսման գերազանցիկ է:

Շատ խորհրդանշական է, որ Կարենը ծնվել է ապրիլի 24-ին՝ Մեծ եղեռնի հիշատակի օրը: Պատանու երկրպագուները համոզված են, որ դա նրա շախմատային փալուն ապագայի առհավատչյան է: Մենք էլ մեծ հույսով ու հավատով շնորհալի հապատանուն մաթեմեք բարձր պահել ազգային դրոշի պատիվը հունիսին Հունգարիայի Սումբատհեյի քաղաքում կայանալիք մինչև 14 տարեկանների Եվրոպայի առաջնությունում, իսկ այնուհետև Այովակիայի մայրաքաղաք Բրատիսլավայում՝ մինչև 16 տարեկանների աշխարհի առաջնությունում:

ԽԱՉԻԿ ԱՐՄՐՈՒՆԻ